

Musabaqah — Quran dan faedahnya, menurut Datuk Seri Mahathir

ALOR SETAR, Jumaat — Datuk Seri Dr. Mahathir Mohamed berharap musabaqah membaca Quran yang diadakan, tidak digunakan sebagai gelanggang pertandingan, tetapi untuk meninggikan silar Islam.

Belliau menambah, menerusi musabaqah juga dapatlah difahami isi kandungan Quran dengan lebih bererti lagi.

Timbalan Perdana Menteri menyatakan demikian dalam kata-kata aluan buku cenderamata Musabaqah Membaca Al-Quran, Nasyyid, Tafsir anjuran Gerakan Bella 4-B Kedah di Masjid Sungai Layar, dekat Sungai Petani malam semalam.

Belliau percaya dengan adanya musabaqah serta tafsir Quran akan dapat menghindarkan kumpulan tertentu dari menyalah tafsirkan Quran dan agama untuk kepentingan sendiri.

Datuk Seri Dr. Mahathir juga berkata usaha mengejar kemajuan dunia wajarlah diseimbangkan dengan kewajiban untuk akhirat.

Menteri Besar Kedah, Datuk Syed Nahar Shahabuddin yang turut menyampaikan kata-kata aluan menyatakan musabaqah membaca Al-Quran merupakan kegiatan yang sungguh mulia di sisi agama Islam.

Katanya, dengan usaha ini semangat cintakan Islam akan terus berkekalan dan dapat menghindarkan diri dari melakukan perkara-perkara yang buruk.

Datuk Syed Nahar berharap Gerakan Bella 4-B Kedah akan terus giat membantu kerajaan menjalankan kegiatan ekonomi, kebajikan, agama dan lain-lain. — Bernama.